


Edizione diplomatica



https://letteraturaeuropea.let.uniroma1.it/?q=sites/default/files/styles/330x330/public/Q%20%282%29_2.png&itok=8_p_nhIW

Bernardus

Eram consillaç signor
Uos caueç saber (et)sen
Cuna domna(m) det samor
Cai amada loniamen
Mas era sai de uertat

Image not found

https://letteraturaeuropea.let.uniroma1.it/?q=sites/default/files/styles/330_px/public/Q%20%283%29_2.png&itok=c_rFqNja

Qella autra mic priuat
Ni anc de nul co(m)pagnon
Compagna tan greu no(m) fo(n).
A una ren sui en error
Essui en greu pessamen.
Qallongat ma dolor
Si aquest plait li co(n)ssen.
Essai sil dic mon pessat
Ueu mon da(m)nage doblat
Qalqen faça an qalqen non
Ren no(n) posc far de mo pro.

Esseu lam a desonor
Escarniramen la gen.
E tendramen li plusor
Per cornut (et)p(er) suffren.
E sai seu pert sa mistat.
Bem teng p(er) deseredit.
Damor (et) ia deu no(m) don
Mai fare uers ni chançon

Pos uolt sui en la folor
Ben serai fol seu no pren
Daquest dos mal le menor
Que mais ual mon essien.
Qua naia en le la meitat.
Que tut p(er)da p(er)foldat
Qanc anegun dru felon
No ui damor far son pro.

Pos il uol autra mador.
Mado(m)na nollel de fen
E lais lo mais p(er) paor
Que p(er)autre chausimen.
Esanc hom de auer grat
De nul seruisi forçat.
Ben degrauer gierdon.

Image not found

https://letteraturaeuropea.let.uniroma1.it/?q=sites/default/files/styles/330_px/public/Q%20%284%29_1.png&itok=elwMAtW4

Eu qe tant greu tort perdo
Li seu fals oil traidor
Qem regardauon tan gent
Esai se gardon aillor
Molt ifan gran faillimen.
Mais detant ma molt onrat
Qe seron mil aiostat.
Plus gardauon lau eu son
Qe toç aicels deuiro.

Del aiga qe dels oils plor.
Escriu saluç mais de cent.
Quem tramet alla gensor.
Et alla plus auinen
Qel mes pois cent ues menbrat.
De ço quem fes al coniat
Quel ui cobrir sa faichon
Si qanc no sap dir raiso.

- letto 415 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2069>